

INUIT ATAQATIGIIT INATSISARTUNI



UPA2024/109

30.04.24

Edvard Nielsen Aronsen

Nunatsinni innuttaasut Danmarkimut nuuttarnerat sunik patsiseqarneraq misissorlugu Naalakkersuisut nalunaarusiorlutik peqquneqarnissaat pillugu Inatsisartut aalajangiiffigisassaattut siunnersuut. Nalunaarusiaq UPA25 nallertinnagu Inatsisartunut agguanneqassaaq.

Inatsisartunut ilaasortaq Aqqalu C. Jerimiassen, Atassut

Oqaaseqaat:

Aqqalu C. Jeremiassen-ip atassummiik nunatsinni innuttaasut Danmark-imut nuuttarnerat sunik patsiseqarneraq misissoqqullugu Naalakkersuisut nalunaarusiorlutik peqquneqarnissaat pillugu Inatsisartut aaliangiiffigisassaattut siunnersuutaa pillugu Inuit Ataqatigiinniik imaattumik oqaaseqaateqassuugut.

Inuit Ataqatigiit pingaartippaat nunatsinni innuttaasut Danmarkimut nuuttarnerat sumik patsiseqarsinnaanersaq aamma misissussallugu. Taamaattumik Inuit Ataqatigiinniit pineqartumut suliamik aallartitsisinnaajumalluta qallunaat aningaasanut inatsisaanni misissuinissamut atatillugu aningaasaliisoqarnissaanik suliaqarsimavugut, taannalu 3 million-inik aningaasartalerlugu akuerineqarnikuuvoq, soorlu tamanna Naalakkersuisut akissuteqaataanni ersittoq.

Misissuineq 2024-mi 2025-imilu Nuna Tamakkerlugu Atugarissaarneq pillugu Ilisimatusarnermik Ingerlatsivimmiit ingerlanneqartussaavoq qujanartumillu suliassaqarfiit arlariit akimorlugit tamanna ingerlanneqartussaalluni. Tassani utoqqalinersiallit, ilinniartut, inuuniarnikkut ajornartorsiuteqartut kiisalu

INUIT ATAQATIGIIT INATSIARTUNI



nappaateqarneq pillugu nuuttariaqartartut immikkut ukkatarineqarlutik misissuiffigineqartussaapput. Kiisalu aamma Aningaasaqarnermut Akileraartarnermullu Naalakkersuisoqarfiup iluani sammisamut tunngasumik sulisoqarneranik naalakkersuisut akissuteqataat Inuit Ataqatigiinniik maluginiarparput taaguuserneqarsimasumik "Innuttaasut sumi najugaqarnissaminnut kissaataannik misissueqqissaarneq-mik" taannalu suliaq 2024-imi kvartalip pingajuanni naammassineqarnissaa naatsorsuutigineqartoq.

Taamaattumik suliamik taassuminngarpiaq sulianik ingerlasoqareenera aallaavigalugu Aqqalu C. Jeremiassen Atassut-meersup siunnersuutaa itigartinneqassasoq Inuit Ataqatigiiniit innersuupparput.